



Kamis, 28 Maret 2024

Ogen: Johanes 13:12-15



Ngusih Perbahanen Jesus



Labo melukah njadiken dirinta jadi usihen man kalak sideban. Sabab lit kuan-kuan 'bagi si mperidi kuda, leben kita kuba lau asangkan kuda'. Ertina, la terjeng ibelasken, iperentahkan kai siarus ilakoken tapi ibahan lebe contohna man kalak sideban. Bagenda me megati tuntutan ras arapen i tengah-tengah kegeluhenta, bahan lebe usihen nandnagi anak ras teman—temannta maka iusihna perbahanenta simehuli. I bas dampar sideban, kepe perbahenen si la mehuli pe banci jadi mara man banta sabab dikune iusih kalak si la uli epe ncedai kegeluhen enda.

Enda me siikataken Jesus man ajar-ajarna, enggo Kubahan usihen man banndu, gelah banci ibahanndu bagi sikubahan man bandu e. Sope perayan Paskah, enggo ieteh Jesus ndeher paksana, IA ras ajar-ajarna paksa man berngi, itangtangi Jesus jubahNa, ibentingkenNa dingan ibuatNa lau janah iburihiNa nahe ajar-ajarNa. Kenca ilakokenNa e, isehkenNa pengajarenNa kerna tujuan siilakoken Jesus man bana kerina. Selaku guru enggo ilakokenna kai siman lakoken ajar-ajar. Selaku guru ras Tuhan ibereNa usihen. Alu bage maka selaku ajar-ajar, kerina ia patut ngelakoken bagi siibahan Jesus e. Siburih-burihen nahe ia kerina. Enda me arapen Jesus, ajar-ajarna sikeleng-kelengen, saling melayani i bas kerina kecibal geluh. I bas kamis si badia enda, ibabai kita tole ngidah rancangan Tuhan i bas geluhta. Meteh usihen sienggo icidahken Jesus dingan arus nggeluh ngusih kai sienggo iberekenNa man banta. Mpebelin kiniteruken ukur, la erpengakap kita belinen asangkan kalaka sideban emaka , ula timai kalak perlebe ngelai kita, leben ia erbahan simehuli man banta kerina. Mari ngsih Jesus, jadi kalak proaktif, erinisiatif i bas kerina dahin ras perbahenen simehuli ibas geluhta enda. Teptep usihen siibereken emereken ngasuh si mbelin nandangi kegeluhen.

➤ *Gurunta enggo erbahan usihen ikutkenlah*